



蓮香集卷二

懷仙誌

黃逢永


諱聖年號石備別號  
大藥山人南海人

勝覽何如此臨高一愴神誰知臺下雨故是夢  
中人賦色今猶麗遊踪久已塵楚宮亦煙滅虛  
憶細腰春

李定夫

諱正  
東莞人

碧桃花底坐春朝曾聽鶯聲轉柳條妙墨有靈





蘭氣在通雲無主翠鈿銷隴荒艸色猿空哭月  
冷梅魂雪欲飄知爾前身原鎖骨重来休作野  
狐嬌

蘇羽挺

諱眉秀  
莆田人

惆悵章臺柳色新那堪摧折委風塵巫陽雲渺  
空餘夢錦隊香銷不見人鏡破青鸞愁照影山  
深杜宇怨啼春梨園部曲非前日一聽歌聲一  
愴神

李香生

諱廷芳  
平湖人

陽春響絕事堪憐冷落梨園歌舞烟却憶花前  
無倩女始知天上有飛仙

何介卿

諱穎石  
閩順德人

長憶喬仙去不回師雄幽恨幾時開羅浮睡冷  
梅花月夜夜佳人入夢來

柴癡生

諱汝貞  
蘇州人

西聲兩度葉偏反風起銀河沒錦鴛巫雨瀟瀟

昏夜月漢臺寂寂掩荒原  
遠人有恨空為石塵  
夢無心只化猿寄語樽前  
憑弔者好將詩句慰  
愁魂

張百淇

諱裔遠  
南海人

佳人不可再雲散竟何之  
艷句留千古芳容絕  
一時寫蘭香在手作字韻  
為姿命薄懷才去傷  
心彭子知

潘積之

諱嗣英  
南海人

銷盡鉛華自可憐樽前歌舞  
總寒烟虎邱塚冷  
餘青艸燕子樓空委翠鈿  
風過竹聲疑解珮春  
傳鶯語想當筵芳魂東逐  
羅浮近一枕梅花入  
夢仙

蘇穉恭

諱秩  
順德人

傷心玉殞看情史長恨紅粧  
薄命多蘭麝土暈  
空悵望芙蓉香冷易消磨  
猿聲嘯夜悲風月鵲  
血啼春惜綺羅可是廣寒  
雲重鎖却教無路覓



霜娥

彭千秋

諱永  
順德人

幽芳着雨曉枝空枉殺忙蜂萬葉中春思徒依  
南浦綠夜魂猶入小窗紅竹含烟翠留清韵柳  
變霜黃罷舞風可惜芳華容易歇忍看瓊樹委

牆東

楊張之

諱兆鵬  
南海人

施僧衣笥盡零凋留得羅裙金縷銷無復嵩山

任處士芳魂誰與韋生招

馬瑞申

諱捷彌景  
冲南海人

不入陽臺夢徒悲柳葉顰華匳脂散馥逸藻韵  
傳神了却前因業還通不染身倚肩誰密約憐  
殺意中人

周梅映

諱梅  
蘇州人

人間那覓返魂香彤史空悲窈窕娘銅雀暮雲  
迷寂寞石羊秋雨泣淒涼粉痕尚染鴛鴦譜歌

韻猶傳玳瑁梁簡點遺編離恨句一行一字繫人腸

胡明卿

諱平運號南石順德人

暮雲淡蕩暗東洲一段柔香付水流繡被夢殘蝴蝶冷玉簫聲斷鳳凰愁錦江送恨通巫峽蘭徑迷芳逐虎丘堪與驪山傷往事幾迴烟月思悠悠

徐愨赤

諱良策東莞人

瑤琴聲絕月黃昏深院淒涼空掩門清事已非茶竈冷癡情曾寄墨卿存鏡沉秋水菱花影帳斷芙蓉蛺蝶魂從古芳菲易零落且將哀緒托啼猿

周臣虎

諱文豹南海人

超却塵寰出大千方喬無復遇喬仙泉臺渺渺難窮照鏡得純陽也枉然

區叔永

諱懷年高明人



積淚銷遺枕殘脂賸黛妝青裳春已斷碧玉恨  
何長撲蝶閒歌扇騎魚出井梁寶奩芳句在惆  
悵墨花香

陳嘉吉

諱子隨  
南海人

露下荒臺秋思添美人一去月重蟾麻姑烏爪  
書書小樊素櫻桃字字纖別鶴語留天已老斷  
簫聲冷病方懨返魂香竟無消息多少花枝惱  
隔簾

劉濟甫

諱汝楫  
南海人

愁倚孤桐別思添美人曾憶醉秋蟾歌翻激楚  
朱櫻小釵按窩雲玉筍纖巫女夢闌宵寂寂沈  
郎病怯晝懨懨芳魂遍處淒風動仙影微茫愴  
隔簾

葉賓穆

諱元凱  
新會人

蘭土傷埋玉芳詞賸綺霞纖晉元綰柳潤臉昔  
呈花流盼餘青瑣徵歌香絳紗賞音懷格調留

恨怨琵琶

胡耀卿

諱翼運  
順德人

羅敷愁逐楚山雲  
偏向東方惱使君  
披詠蓮香長恨句  
斷猿三叫不堪聞

李美發

諱振聲  
番禺人

生涯原作夢名字古而香不謂巫雲片翻流洛  
水長幾人矜薄倖三載戲逢場搖落芙蓉色秋  
江自渺茫

楊奇玉

諱之琦  
南海人

濛濛春色暗青樓  
歌謝臺荒舞亦休  
錦隊淒涼雲雨恨  
花鈿零落燕鶯愁  
心飛南國香何在  
目極東洲水自流  
却憶當樽人似玉  
月明無復引  
瑩篴

李端球

諱士悅  
番禺人

一朝聞信息盡日念成癡  
世有不平事花無長  
豔時昏沉人鬼路  
淒斷死生期  
瘞玉誰同恨  
憐



才心獨悲

周子儀

諱官  
南海人

弱水蓬山總杳然  
訪尋誰得見神仙  
珠飛合浦還何日  
劍落延津別幾年  
雲散楚臺悲月死  
雨過隋苑惜花眠  
裴航忍斷藍橋路  
愁向天涯盼暮烟

王崇道

諱應莘  
東莞人

江干握別思依依  
惆悵佳人去不歸  
鸞鏡冷拋

孤影沒雀臺深鎖  
舊踪稀愁聞野鳥哀  
明月忍見閒花送夕暉  
瞻望至今嗟弗及  
揮毫空有淚沾衣

彭于松

諱德盛號挺  
霄番禺人

袖裏相思字未殘  
陽臺一望路漫漫  
亦知恨結珊瑚碎  
無奈愁深翡翠單  
太液池邊香乍冷  
若耶溪畔曲生寒  
迢遙仙旆何繇覓  
縱解驂虹會也難

何景瑋

諱瀾泰  
番禺人

薄命傷紅粉風流憶翠翹  
詞藏花底舌舞絕柳  
邊腰楚館生牢落驪山  
鎖寂寥素娥邀爾伴仙  
路可逍遙

陳朱宋

諱世綬  
南海人

惻惻微風幾度思芙蓉  
端不耐寒遲當年命薄  
歡成夢今日情癡怨入  
詩笑語畫中呼欲出環  
聲梅下到應疑紅樓舊  
恨知多少得似蓮香絕

一時

彭仲垣

諱廷贊號鐵  
番禺人

粉褪香銷翠帳空章臺  
不復戀春風迢遙洛浦  
人何在縹緲蓬山路豈  
通舊恨有詩憐好好新  
聲能記羨紅紅高唐雲  
雨今寥寥愁殺襄王憶  
夢中

方三桃

諱朔  
番禺人

為雨為雲事渺然尚餘  
芳韻在詩篇步虛仙隊



嫌狂逸小謫人間十九年

伍非雲

諱雲  
香山人

香生生也豔晶晶花自亡姿月失明質格本來  
稱趙美鬼方曾換幾多城

陳伯健

諱孝乾  
侯官人

一斗明珠酒十千曾同司馬醉歌筵我來香國  
招魂日君却荒瑩詠竹年聲喚倩名人欲出手  
披蘭譜墨猶鮮春容縹緲尋何處漫學陳思賦

洛川

蘇忍木

諱子楨  
順德人

歌舞樓前香縹緲珍珠簾內影玲瓏海棠春睡  
迷蝴蝶長在華清一夢中

釋孟容

諱添度白水  
山袖號白水

水月空花見色身蛾眉鴉鬢總鏤塵等閒紅袖  
香銷後元是青蓮自在人

莊木生

諱煜  
南海人

弱水茫茫路幾千  
蓬萊從此返飛仙  
空餘昨夜西風急  
憔悴芙蓉倍可憐

姚穀符

諱啓璧  
南海人

一死何如一笑輕  
西樓消息問飛瓊  
兒家舊倚清商曲  
長付秋蛩怨月明

彭紀常

諱忠銘  
番禺人

染得桃花巧作箋  
濃香膩骨號書仙  
軟綃紅淚今猶在  
欲對清歌却渺然

區繼葉

諱應槐號蓼  
我番禺人

明艷春容天下麗  
媽香薄質霎時殘  
竹枝染淚愁偏劇  
艸色籠烟怨未闌  
星海茫茫塵夢斷  
巫山寂寂雨情乾  
金釵小塚頻澆祝  
那得芳魂月下看

盧維經

諱若嵩號幹  
家番禺人

文采風流世所傳  
吳姬高調正堪憐  
紅英香落愁蝴蝶  
青塚春深怨杜鵑  
夢斷陽臺遺玉珥  
魄



淪湘水冷金鈿由來艷骨傷塵土感慨何論齊  
物篇

池崇耀

諱天琛  
番禺人

當年歌舞醉仙城想像精魂淚欲傾終古媽香  
應不歇騷壇期結後生盟

梅均題石

黎君選

諱邦城號洞  
石從化人

墳前花落錦成茵紅粉何當化作塵賸有清詞

遺樂府尚留香骨惱情人風吹蒿里宣靈籟月  
印芳池誤刃身最是杜鵑多怨緒年年啼血過  
殘春

簡郁文

諱耀第十  
番禺人

曾醉荷筒泛綠潮吳姬歌舞笑相邀風飄輕袂  
香初冷雨褪殘粧魂未招潭比薛濤花作岍坡  
連蘇小玉為橋猿啼巫峽青青塚裏馬王孫不  
憚遙

其二

河漢橋成悵別離  
縈懷到處憶蛾眉  
舞疑蜨粉翻花徑  
曲似鶯簧喚柳枝  
粧匣半留新翡翠  
鏡臺猶冷舊胭脂  
可憐艷骨埋香土  
莫惜黃金買篆碑

區秘子

諱謹  
南海人

斜月沉沉辭逝波  
落花紛紛辭故柯  
人生有情苦未免  
悲來歡盡知奈何  
記昔青樓官道側  
鶯

時曾控黃金  
勒鷓鴣  
歌罷春風低  
螺翠鴉黃擅  
顏色望陵新  
曲誰最妍  
銅臺高處落  
嬋娟一片  
晴霞紛出岫  
繁花近眼嬌  
可憐雲散風  
流徒迴轉  
芳春恰謝嬌  
紅淺  
崔徽掩鏡生  
綠塵  
剩有丹青在  
空卷芙蓉落  
盡湘江空  
殘脂遺翠昏  
房櫳香魂去  
後新墳在  
衰楊宿莽搖  
悲風昔鹽吟  
盡  
分今古一代  
蛾眉但黃土  
滔滔漳水向  
東流  
淒斷彭郎磯上雨



王誠齋

諱邦畿  
番禺人

美人墳上日初斜  
素練澄澄一望賒  
蘭佩已銷香澗艸  
粉痕猶帶暮天霞  
殘碑終古遺秦字  
流水千年入漢家  
目極此時人不見  
斷腸開盡野棠花

其二

索索西風萬壑哀  
塚邊荒艸夕陽開  
水流花落人何去  
雲白山青鴈獨來  
素女有靈淹夢澤  
楚

王無路問陽臺  
可憐金粉飄零日  
又長千年一劫灰

黃虞六

諱兆成號杯  
湖番禺人

莫問三生石有無  
墓門長夜慘啼烏  
知君不作無郎怨  
好過青溪伴小姑

其二

如此佳人再得難  
媽香零落玉摧殘  
一坏綠滿同心艸  
愁殺遊郎駐馬看

劉啟疇

諱元藜一字言明閩縣人

一杯春酒漫澆墳來弔司空舊翠裙前代風流  
誰似子此生惆悵未逢君冰綃有影能呼畫玉  
海無船可載魂腸斷山南與山北杏風梨雨泣  
紛紛

香霧縈迴蜨翅舒西陵松柏未湮墟銅臺艷粉  
埋金鎖瑤水花宮瘞玉魚螭首巫雲傷冶髻蠅

頭唐韻想遺書彩虹化後媽香歇曳雪誰留漢  
使車

孔公時

諱聞聖番禺人

冷艷荷香蘸碧漪每憐解語憶芳姿風飄柳陌  
當年態月傍花樓舊日睂巫峽雨雲迷楚女瑤  
臺歌舞失吳姬荒山紅紫留文采千古多情見  
勒碑

何毓天

諱日精南海人



道齋集 卷三  
青樓空擅一時名  
銅雀風流自屬卿  
笑臉祇從遺影艷  
醉懷偏逐步虛聲  
牽愁檢韻難賡詠  
掩淚緣君半減枰  
可是蓮香知己足  
尚畱佳事在孤瑩

憶昔行

曾自昭 諱暉  
從化人

昔日銅臺中  
歌舞殊未已  
一朝委灰塵  
空臺對流水  
豈知恩愛如  
古人不及檀  
郎憐妾死  
壘壘

古墳松柏生  
猶憶西園桃  
與李穠華不得度  
玉質傷鉛素  
不道君心妾不如  
冥漠重泉永遐錮  
欲感君恩顧  
妾心祇應化作西陵樹

陳秉衡 諱士忠  
南海人

冷冷石澗舊  
同遊道左俄  
驚拱木修憶自  
雀臺春鎖後  
阿誰兼美擅風流

其二

返魂無計續湘英  
欲寫蛾眉愁未成  
却有鍾情

邁今古纍纍青冢為君營

何景瑋

寂寞逗春愁一邱蘭麝土可憐泣露花尚作迎風舞

黃虞六

莫撥檀槽唱懊儂舞衣歌扇艸茸茸即心比石丹成字妾骨凝香翠作封題月至今留柿葉浣花誰為采芙蓉西陵松柏寒如水不信錢塘夢

再逢

彭紀常

風流疑是楚蓮香曾惹蜂忙與蝶忙極目絲雲歌舞盡大堤芳艸斷人腸

其二

真娘墓上可題詩墓上栽花花可悲狼籍嫩紅殘雨後盈盈珠淚落胭脂

蘇裕宗

諱興喬  
南海人



憶昔花叢絕世人含情宜笑復宜顰容華艷艷  
誰相比拚却巫陽一片雲若蘭才調韓娥色錦  
字迴文心線織檀槽玉柱按梁州纏頭容易堆  
狼籍邀歡上客鬱金堂拂絃時誤顧周郎祇道  
朱顏耀朝日寧知鷓鴣妬年芳年芳一去如飄  
忽漠漠綺塵封錦瑟翠被餘香儼尚畱彤管新  
詩從此畢鳴珮珊珊遲艷魂惆悵難逢李少君  
東海仙樓扃玉戶北邙明月照孤墳松柏樛枝

兔絲綴女蘿引蔓猶縈結三春愁殺有情癡杜  
宇啼紅疑恨血

楊張之

石自嶙峋水自潺登臨疑是虎邱山蛩吟衰艸  
埋冰骨花笑孤墳伴玉顏銅雀舊憐春暗鎖泉  
臺新恨夜長關絮觴澆祝如容見揆取仙真帶  
月還

黃元節

諱晟元  
南海人

夢斷高唐幾度秋  
白楊風急水東流  
可憐艷骨知多少  
青冢壘壘爾獨留

李元長

諱枝芳  
南海人

買得名花傍墉栽  
盈盈香艷為誰開  
芳魂若結尋春伴  
好倩鶯傳十友來

彭伯時

諱茲號坡  
山番禺人

東風寒食踏芳郊  
一種春來豆蔻梢  
聞道花田今寂寞  
采花人向小梅坳

王誠齋

張喬善歌舞香消十載艸沒一棺壞  
僻淒然青山獨對彭公子孟陽擇葬地於  
梅花坳敦夙好也復徵海內挽章予雖  
未覲佳人蓋亦感慨係之

何如不相識  
哭君情亦悲  
今人薄意氣  
紅粉死多時  
惆悵青山暮  
荒涼白露滋  
信陵今夕淚  
曾否似生離



雜咏

陳集生

諱子壯號秋  
濤南海人

題張喬墨蘭

谷風吹我襟起坐彈鳴琴難將公子意寫入美  
人心

歐嘉可

諱主遇號壺  
公順德人

遊寶象林題花冢

當筵一曲寫新詞憶得便娟恨更癡圖畫有香

蘭蕙好衣裳猶綴美人貽

其二

銷魂多為種花田夜雨長流咽管絃寸土寸心  
君自見采花人結後生緣

其三

不知洛浦與湘濱一片湖山是錦茵為爾植梅  
千萬樹月明來作夢中人

其四

歌拍詩筒耐可聞  
狹邪道上醉紅裙  
行雲浪說當年夢  
好贈空山一片雲

其五

青蛾紅粉併黃埃  
獨倚周郎立夜臺  
樓閣珠簾行樂地  
來遊多醉掌中杯

其六

來為神女去為仙  
問月穿花路渺然  
山寺日聞鐘梵響  
他生閨閣亦人天

陳元者

諱上善號元水別號盤谷居士蘇州人

讀蓮香詩

年華十九正芳菲  
勾作巫雲竟不歸  
莫聽斷猿啼  
夜月知君定有淚  
沾衣

其二

舞裙歌扇久生塵  
剩有詩篇墨尚新  
海內共傳流淚句  
却添幾許斷腸人

其三



一夕紅芳萎薄霜恍疑人返碧蓮  
鄉客來只艷蓮香好那識中藏苦味長

過張喬故居 有序

西樓往多屨人居臨濠水見之徐文長  
詩予所知張喬則雅好筆墨念其周旋  
詩社曾為誌銘墓石年來呼鸞信遠打  
鴨聲喧紅粉變為青衣拭淚勒供行酒

於是舞衫頻典斷尾高飛無復舊時繁  
華景色矣此雖遊戲場中要可見風俗  
之日異不能無感客過偶問渡濠畔經  
喬故居殊傷往事輒作詩貽彭子和之  
柳色春生鎖夕陽城隅烟冷艸仍芳鴛鴦儘被  
金丸散鸚鵡曾催寶鏡粧回首忽如行雨夢典  
衣誰買返魂香隣家記曲餘紅豆種得相思落  
女牆

其二

莫向青樓覓合歡  
歲華憔悴五更寒  
桑田似為麻姑變  
桃樹偏愁俗客看  
花社不遘釵上燕  
酒壚猶舞帶間鸞  
東風廿四頻相妬  
折盡紅闌十二干

李青來

諱明嶽  
嘉興人

過嘯齋題蓮香集後

去年今日小桺紅  
倚繡臨階待好風  
用意却翻

新譜樣鴛鴦  
顛倒一絲通

其二

去年今日綠荷溪  
扇底涼生香影低  
此夜橫塘風雨驟  
更誰夢到小橋西

其三

去年今日廣寒天  
月上疎櫺人未眠  
記得拂箋題贈句  
小鬟低舞擬秋烟

其四



去年今日朔雲平  
嘹唳聲微聽雁行  
坐向小窗臨數字  
墨留萍水一痕清

曹彞伯

諱開遠  
金壇人

影圖

笑面如花画裏開  
真真誰道喚將來  
呼君萬轉渾無語  
卮酒徒勞奠綵灰

姚穀符

小喬墨蘭

憶將彤管試輕紈  
尺幅真成九畹寒  
惆悵墨花飛乍歇  
采芳誰更紉秋蘭

方約思

諱萬號虛  
舟番禺人

憶喬

垂老虬髯感舊知  
西風吹淚赴江湄  
紅顏薄命傷今古  
莫怨茅山乞藥遲

其二

畫闌珠箔小樓西  
逐伴聽歌惜醉攜  
一自燕巢

無社信馬過花巷只長嘶

其三

荒郊霾霧掩殘香惜舞憐歌絕斷腸脆折錦棚  
呼謝豹數聲哀此咽斜陽

黎恭甫

諱本安  
從化人

病起夢張喬

笑語依然步綠苔天風環珮下瑤臺生前幾見  
乘鸞過死去何因捉蝶來頻顧帶移憐瘦損况

驚釵墮迸疑猜早知香魄還奔月擁定霓裳不  
放回

陳石攻

諱明瑛  
象山人

過張喬故居

少年雅自惜春陽况復花明艸更芳風雨飄搖  
摧蕙質胭脂狼籍冷梅粧憐翻紈扇歌時影怕  
近羅幃別後香何限相思消不得半痕殘月下

西牆



其二

誰向青樓憶合歡  
帳燈明滅夜初寒  
舊時錦瑟難重按  
身後遺詩忍細看  
釵冷華匳拋琢燕  
鏡昏塵匣掩淒鸞  
鵑聲叫絕三更月  
縹緲猶聞漢水干

朱以蘊

諱統劉  
南昌人

感咏

憐君風雅重君情  
惆悵藍橋秋月明  
耐可元霜

都搥畫田頭無復見雲英

何介卿

墓上梨花

一春傷薄命粉臉憶啼痕  
風雨泉臺莫深深  
獨

閉門

萬印角

諱文蛟  
建昌人

懷咏

翠瑄銀箏乍撒時  
雲鬟半墮續卽詩  
鶯儔失散

春聲在腸斷蓮香一帙詩

其二

永拋花鈿與搔頭半幅紋綃和淚修蘇小當年  
稱絕艷幾曾遺咏喚人愁

其三

嬌憨餘韻帶清孤綽約幽姿見畫圖一自彭郎  
情定後生嫌人把小名呼

其四

學士翻然是女軀青蓮舌吐盡明珠閒來把玩  
多情句誰數真娘寂葬吳

其五

偷眼英雄未易收彭郎聲格暗相投綵雲忽散  
何天去剩有殘香瘞一邱

其六

按圖執卷較嬌姿幽恨芳情似阿誰珍重齊紈  
詩半幅休教認作薛濤詞



麥斐然

諱如章  
番禺人

閱小喬詩畫

揮灑紈箋剝幾張清詞澹墨總生香大都作意  
撩人恨莫恠彭郎詩斷腸

羅子開

諱耀正  
番禺人

宿海曙樓有悼

獨坐捲湘簾空階雨初歇掩淚憶蛾眉不敢看  
新月

潘積之

墓上植百合花

芳魂素質似喬仙花氣宜人百合傳移向山頭  
和露種與君重結後生緣

岑克昌

諱爾孚  
順德人

集古挽喬仙

嬌歌一曲口氤氳紅粉青蛾映楚雲艷骨已成  
蘭麝土人間那得幾回聞

其二

芙蓉如面柳如眉  
春色人間總未知  
誰為含愁獨不見  
夜來風雨葬西施

楊張之

憶昔篇

繇來名艷傾天下  
疊翠堆紅春似畫  
才子多將藻思搜  
佳人未易芳菲嫁  
張家之子字喬靖  
螭首蛾眉花作面  
淡淡春山黛  
暈嬌盈盈秋水波

光濺等閒拾翠江南地  
破瓜年紀多才思  
妙舞翩跹蝶乍翻  
清歌繚繞鶯初試  
彭郎故是憐香客  
走馬章臺過紫陌  
流霞潦倒許同傾  
蛾眉黯淡教新畫  
繡被香羅鴛鴦夢  
遙春去春來幾暮朝  
銀綃縮就同心結  
碧月和吹引鳳簫  
自言恩重死生同  
豈意今攜東復東  
愁山有路千重隔  
恨海時將一綫通  
秋光見月長相憶  
可憐兩病俱愁劇  
西窗有恨遊魂知  
東浦無音飛夢覓  
只期



終久共此情那堪玉折更珠傾巫峽風淒惟鳥  
語梨園花落但猿聲冰銷艷骨香猶在月冷梅  
粧夢不成空使檀郎腸暗斷傷心無異雨淋鈴  
嗟爾昔年才十九占斷繁華花與柳霓裳化作  
不歸雲飛遍羅浮仙洞口君不見薛較書錦江  
春色襲人裾芳魂醉繞癡情蝶賦贈田洙思有  
餘又不見蘇小小錢唐江月不知曉堤邊白馬  
日如雲油壁輕車何縹緲

金陵陳都督席上遇溫覺斯將過五羊溫  
出遊時余曾與謔者張喬祖道比予行聞  
張喬已死於去秋因賦此贈溫并致感悼  
選勝昔有約送行曾賦詩復此握麈尾不見揚  
蛾眉佳人難再得逝者歎如斯君返艸堂上飛  
花斜燕隨

曾自昭

花冢

花墓平臨種芋田寒松瀑水憶歌絃春堤無數  
冶遊客一見棠梨心自憐

容明子

諱南英  
新會人

梅坳晚眺

楊柳烟生蘸碧溪春深惟見亂鶯啼花開如繡  
交松柏日暮香零客自迷

蘇國兆

諱興祥  
南海人

花冢弔張處人

十二峰頭月乍中野棠枝上亂鶯流舞衣香在  
閒金鏤寶帳塵生卸玉鉤桺葉渡湮江楫冷松  
花書斷蜀箋愁西陵若問同心結油壁車聲怨  
紫駟

梁懋修

諱培德號默  
庵南海人

過二喬墓

偶來青冢畔松柏故人心花落啼紅淚泉聲瀉



素琴寒雲低遠岫斜日照高林艸色留眉黛知君恨每深

曾自昭

寒食過墓

細雨濕棠梨春風吹柳枝野花行客淚林木杜鵑悲遠寺傳鐘梵寒村帶酒旗王孫舊遊處白露日應滋

徐秋輪

長洲人  
以下名媛

展遺影

紅顏依舊媚春光綠綺無聲暗斷腸莫怨東風易搖落丹青猶得誤周郎

閻趙璧

江都人

讀二喬手箋

錦字未銷蘭麝氣玉簫先斷鳳凰聲白頭怕學當壚婦翻遣文園怨馬卿

徐婉卿

青陽人

先生過張喬故居

燕語鶯啼又夕陽閒愁黯黯入年芳何人繫馬  
哀瑤瑟有客題詩憶靚粧泛水芙蓉生帶艷浴  
湯豆蔻死留香春風人面空成恨寂寞飛花過  
短牆

其二

幽恨多關舊日歡沿溪碧水暮生寒香銷芍藥  
何堪贈肌薄芙蓉不耐看四韻新詩吹白鳳一

緘殘字斷青鸞貞元花下人如玉惆悵雕闌十  
二千

何文秀

襄陽人

登二喬妝樓

粉壁掛瑤琴香塵生玉軫後起有知音欲彈應  
不忍

汪一生

華亭人

讀妝樓墨蹟



留題墨未乾已恨人先沒月落杜鵑啼芳魂時  
恍惚

王楚生

崑山人

咏墓上相思樹

愛此多情種低回雪涕潛縱無連理今幽顯一  
心關

薛

妹

臨邛人

惆悵詞

繁艷繇來不耐春可堪芳魄散飛塵自憐閨閣  
耽幽寂不及喬仙夢裏身

施碧霞

貴池人

讀懷仙誌

誰重張喬身後名挽詩新集斷腸聲當時只道  
生相許今日才知死是情

九歲女童

錢塘人  
名鶯兒

小梅坳看花有感

紅紫依然羅綺春風流芳韻得長新翻悲高冢  
麒麟卧歆滅烟銷幾貴人

張玉喬

西人小妹  
蘇州人

讀惻惻吟

半調情懷未易窺荷絲牽結可勝悲香幽韻遠  
含毫字付與風流作話垂



